



U ime Allaha, Milostivog, Samilosnog

**ČASNI POSLANIK S.A.V.S.
U OČIMA OBEĆANOG MESIJE I
IMAMA MEHDIJA A.S.**



بِسْمِ اللَّهِ الرَّحْمَنِ الرَّحِيمِ ط

نَحْمَدُهُ وَنُصَلِّي عَلَى رَسُولِهِ الْكَرِيمِ ط

الْحَمْدُ لِلَّهِ رَبِّ الْعَالَمِينَ-

وَالصَّلَاةُ وَالسَّلَامُ عَلَى رَسُولِهِ مُحَمَّدٍ وَآلِهِ وَأَصْحَابِهِ أَجْمَعِينَ ط

“Sva hvala pripada Allahu, Gospodaru svih svjetova; mir i blagoslov neka su na Njegovog vjerovjesnika Muhammeda, s.a.v.s., i na cijelo njegovo potomstvo i ashabe.”

ČASNI POSLANIK

(Salallahu alejhi ve selem)

Neke hodže optužuju Ahmadi muslimane da ne priznaju Časnog Poslanika s.a.v.s. što je velika laž, koja nema nikakvog uporišta u učenju i vjerovanju Ahmadi muslimana. Kao dokaz o neograničenoj ljubavi prema Časnom Poslaniku s.a.v.s. mogu poslužiti i niže navedena pisanja Imama Mehdija a.s.

“To uzvišeno svjetlo koje je dato čovjeku, tj. najsavršenijem među njima, nije postojalo ni među melecima ni među zvijezdama; niti je postojalo u mjesecu niti u suncu, niti u morima niti rijekama; ono se ne može naći u rubinima ili smaragdima, niti u safirima, ni u biserima; ono nije postojalo ni u kakvom zemaljskom ili nebeskom predmetu. Njega je posjedovao samo čovjek, znači, postojalo je u najsavršenijem čovjeku, čija je potpuna i završena i vrhovna i najviša osoba naš učitelj i poglavar, Muhammed, odabrani, poglavar svih poslanika, vođa onih koji su živi. Tako, ovo svjetlo je bilo dato tom čovjeku i, isto tako, do nekog stepena, svima koji su na svoje pojedinačne načine bili slični njemu. Ovu vrlinu je u savršenoj i potpunoj manifestaciji imao naš Učitelj i

Poglavar, nepismeni Poslanik, istinski, onaj čija je istina posvjedočena, Muhammed, odabrani, s.a.v.s.”

(Roohani Khazain, tom 5: Ayena-e-Kamat-e-Islam, str. 160-162)

“Ja uvijek zadivljeno gledam na ovog arapskog Poslanika, čije ime je Muhammed, hiljade blagoslova i mir neka su s njim. Kako je on Poslanik uzvišenog položaja! Čovjek ne može shvatiti krajnji vrhunac njegovog položaja i čovjek nema moći da shvati njegovu duhovnu moć. Nažalost, ljudi nisu spoznali njegov pravi status na koji je on imao pravo. A, on je taj hrabri šampion koji je na ovaj svijet ponovno uspostavio Tevhid (Božije jedinstvo) koji je bio nestao sa svijeta. On je imao najveću ljubav prema Bogu, isto tako je imao najdublje saosjećanje za čovječanstvo. Zato mu je Bog, Koji je potpuno znao tajne njegovog srca, dao prednost nad svim poslanicima i svim ljudima, prvim i zadnjim, i podario mu želje njegovog života.”

(Roohani Khazain, tom 22: Haqiqatul-Wahi, str. 118-119)

“Naš Poslanik, salallahu alejhi veselem, okupio je u sebi imena svih poslanika, jer su u njegovoj čistoj osobi bile sastavljene razne vrline. Zato, on je Musa isto kao i Isa; on je Adem, on je Ibrahim, on je Jusuf i isto tako Jakub. Bog ukazuje na ovo u ajetu:

فبهداهم اقتده

‘Pa ti slijedi njihovu uputu.’ (6:91)

Značenje: “O, Božiji Poslaniče, ti u svoju ličnost pokupi ove razne upute, koje je svaki poslanik imao posebno sa sobom!” Ovo pokazuje da su odlike svih poslanika bile sastavljene u Časnom Poslaniku s.a.v.s. Zapravo, samo ime Muhammed s.a.v.s. ukazuje na ovo zato što ono znači ‘najpohvalniji’. ‘Najpohvalniji’ se može jedino shvatiti ako su razne i posebne odlike svih poslanika skupljene zajedno u Muhammedu s.a.v.s.”

(Roohani Khazain, tom 5: Ayena-Kamat-e-Islam, str. 343)

“Ja sam upućen da je od svih Poslanika onaj koji je dao najsavršenija i najčišća učenja puna mudrosti i onaj koji je pokazao u sebi najuzvišeniji primjer, samo poslanik Muhammed, naš učitelj i poglavar, s.a.v.s.”

(Roohani Khazain, tom 17: Arbaeen, br. 1, str. 345)

“Kad pravedno pogledamo, u cijelom lancu poslanika, nalazimo najhrabrijeg, živog Poslanika koji je najdraži Bogu, i mi prepoznajemo samo jedno ljudsko biće, to znači kralja svih poslanika i ponosa svih poslanika i krunu svih poslanika. Njegovo ime je Muhammed Mustafa i Ahmad Mudžtaba (Odabrani) s.a.v.s.”

(Roohani Khazain, tom 12: Siraj-ul-Muneer, str. 82)

“Jedan neobičan događaj se zbio u pustinjama Arabije, kada su stotine hiljada mrtvih postali živi za nekoliko dana i oni koji su generacijama bili pokvareni poprimili su Božiju boju. Slijep je progledao i jezici nijemih su počeli da govore sa Božijom mudrošću. Takav prevrat se odjednom dogodio u svijetu kakav nijedno oko nije prije vidjelo, niti je uho čulo. Da li uviđate šta je ovo bilo? Sve ovo je bilo postignuto molitvama u toku noćne tame onog koji je bio potpuno izgubljen u Bogu, što je stvorilo odjek u svijetu i (jasno) pokazalo tako čudne stvari koje su bile nemoguće od strane te nepismene bespomoćne osobe. O, Allahu! Spusti blagoslove i mir na njega i njegove sljedbenike u omjeru njegove brige i patnje za muslimanski ummet (narod islama), i prospri na njega svjetlo Tvoje milosti zauvijek.”

(Roohani Khazain, tom 6: Barakatud Dua, str. 10-11)

“Za cijelo čovječanstvo, za svu djecu Ademovu, sada ne postoji poslanik ni posrednik, osim Muhammeda s.a.v.s.! Zato se trudite da njegujete istinsku ljubav prema ovom poslaniku veličanstvenosti, ne dajući nikom drugom bilo kakvu prednost nad njim, tako da kod Boga budete upisani spašenim. I dobro upamtite da spas nije nešto što će se pojaviti poslije smrti. Stvarni i istinski spas je jedino onaj koji svoje svjetlo pokazuje u samom ovom životu. Ko je spašen? Samo onaj ko ima čvrsto vjerovanje da je istina da Bog postoji i da je Muhammed s.a.v.s. posrednik između Njega i cijelog stvaranja; da pod nebeskim svodom nema poslanika ravnog Njemu, niti ijedna knjiga ravna Časnom Kur'anu; da ni za koga drugog Bog nije želio da živi zauvijek, kao što je za ovog odabranog poslanika, koji je živ zauvijek.”

(Roohani Khazain, tom 19: Kashti Nuh, str. 13)

“Kad pogledamo na životne događaje Čanog Poslanika, postat će jasna i rasvijetljena stvar da Časni Poslanik islama nije imao dvojnosti u svom karakteru i da je posjedovao čist i plemenit duh. On je uvijek bio spreman da položi svoj život u ime Boga, on ni svoj strah ni nade nije vezao za ljude, nego je sve svoje povjerenje polagao u Allaha. Kako je sebe potpuno potčinio volji i zadovoljstvu Allahovom, on nije mario s kakvim rizikom će se suočiti i kakvoj patnji će biti izložen od strane idolopoklonika kao rezultat proglašavanja poruke Božijeg Jedinstva svijetu.”

(Roohani Khazain, tom 1: Braheen-e-Ahmadiyya, str. 111)

“Zar nije najčudnija stvar koja se dogodila u doba kad su sve velike nacije svijeta posjedovale obilje finansijskih, vojnih i intelektualnih sredstava, da je puko siročće bez prebijene pare, koji je bio bez utjecaja, bespomoćan i nepismen, iznio na vidjelo takva sjajna učenja koja su, sa svojim uvjerljivim dokazima i neospornim potvrdama, zavezali jezik svima? Ovo je, također, pokazalo velike očigledne greške takvih učenjaka koji se u svom samoljublju hvališu da su veliki filozofi i ljudi od mudrosti. Da je, uprkos tome što je bio siromašan i bespomoćan, pokazao takvu moć i svrgnuo kraljeve i na njihovo mjesto postavio siromašne. Ako ovo nije bila Božija pomoć, šta je drugo bilo? Da li je moguće pobijediti i nadmašiti cijeli svijet bez Božije pomoći, samo svojom mudrošću, znanjem i moći?”

(Roohani Khazain, tom 1: Braheen-e-Ahmadiyya, str. 191)

“Tako je Davud a.s. potvrdio veličinu i uzvišenost Časnog Poslanika, s.a.v.s., kad je rekao u Psalmu (Zeburu) 45:

*Najljepši si između sinova čovjekovih
iz usta ti milost teče;
zato te Bog dovijeka blagoslovio.*

*Pripaši, junače, mač svoj,
i neka te kiti slava tvoja i krasota tvoja.*

*I u punom sjaju svome uskoči u kola bojna
za istinu, za blagost, za pravdu,
i desnica će tvoja čuda učiniti.”*

(Roohani Khazain, tom 2: Surma Chashm Arya, str. 281-282)

“Obratite pažnju: kako je Časni Poslanik islama, od početka do kraja ostao odlučan i istrajan u svojoj tvrdnji poslanstva, uprkos hiljada opasnosti i mnoštva neprijatelja i protivnika koji su mu prijetili. Godinama je podnosio takve teškoće i patnje zbog kojih čovjek izgubi nadu u uspjeh, koje su se povećavale iz dana u dan. Nije moguće zamisliti da čovjek trpi ovakve teškoće za du-njalučke stvari. Čak je svojom tvrdnjom o poslanstvu izgubio podršku najbliže okoline. Jednom riječju, on je na svoju glavu preuzeo stotine hiljada belaja. Bio je istjeran iz svoje domovine, proganjan uz opasnost da ga ubiju, njegov dom i imetak su bili uništeni i bilo je nekoliko pokušaja napada na njegov život trovanjem. Oni koji su bili njegovi dobronamjernici postali su njegovi zlonamjernici. Prijatelji su se okrenuli u neprijatelje. Godinama je podnosio ove teškoće i ostao čvrsto na nogama, što nije bilo moguće da jedan prevarant podnese.”

(Roohani Khazain, tom 1: Braheen-e-Ahmadiyya, str. 108)

“Za mene ne bi bilo moguće da dobijem ovu blagodat da nisam slijedio puteve mog učitelja i poglavara, ponosa svih poslanika, najboljeg od ljudskog roda, Muhammeda, odabranog, s.a.v.s. Zato, šta god sam ja dobio, dobio sam slijedeći njega, i ja znam iz svog istinskog i savršenog znanja da nijedan čovjek ne može postići blizinu Božiju i dokučiti dublje razumijevanje Njegovih puteva bez slijeđenja tog Poslanika s.a.v.s. Sada vam objašnjavam koja je to stvar koja se stvara u srcu, poslije istinskog i savršenog slijeđenja Časnog Poslanika Muhammeda s.a.v.s: Zapamtite da je to zdravo srce, tj. srce iz kojeg je otišla ljubav prema ovom materijalnom svijetu i srce koje traži vječni i trajni ukus. Poslije toga ovo zdravo srce dobija čistu, savršenu Božiju ljubav. Svi ovi blagoslovi budu podareni kao nasljedstvo, samo zbog slijeđenja Muhammeda s.a.v.s.”

(Roohani Khazain, tom 22: Haqeeqatul Wahi, str. 64-65)

**Neograničenu ljubav Imama Mehdiya a.s. prema
Časnom Poslaniku s.a.v.s. pokazuju i slijedeće poeme:**

*“Tvoji neograničeni blagoslovi i mir
neka su na Mustafu;
mi smo od njega uzeli ovo svjetlo,
o, moj Bože.*

*Moja duša je vječno vezana
za dušu Muhammeda.
Mi smo svoja srca napili,
čašom punom ljubavi.*

*Niko se nije pojavio bolji od njega
u cijelom svijetu.*

*Doista,
mi smo oslobodili svoje srce
od drugih.*

*Božija slava je odražena
u tvojim vrlinama.
Mi smo našli Njega
kad smo našli tebe.*

*Dodir Tvoga skuta,
O, Bože,
Spas je od zamki drugih.
Doista, ja saginjem glavu
Jedino na Tvom pragu.*

*O, moj voljeni,
Kunem se Tvojim Jedinstvom,
ja sam posve zaboravio na se
radi Tvoje ljubavi.*

*Boga mi, svi drugi tragovi
su izbrisani iz mog srca,
otkad sam u srce stavio
Tvoj trag.*

*Zbog tebe smo mi
postali najbolji od svih naroda,
o, Poslaniče Božji,
najbolji od svih poslanika.
Mi smo koračali naprijed
sa tvojim korakom ispred.*

*Ne samo ljudski rod,
čak melec na nebesima
pjevaju Tvoju slavu,
koju mi pjevamo.”*

(Roohani Khazain, tom 5., Ayena-e-Kamat-e-Islam, str.
225-226)

*“Taj naš vođa,
od njega je sva svjetlost,
njegovo ime je Muhammed,
on je taj
moj Dilber.*

*Svi poslanici su sveti,
jedan bolji od drugog;
on je taj najbolji,
od svih stvorenja.*

*On je najbolji od prvih,
on je kao mjesec
U svojoj ljepoti.
Svaki pogled uprt je u njega.
On je doista puni mjesec,
koji rasvjetljava mrak.*

*Prvi su zagubili put.
On je nas prevezao
Do određene luke.*

*Nek' moj život bude položen
na njegovom putu,
samo on je kormilar.*

*Taj Dragi, neograničen prostorom,
Taj Ljubljeni dubine moga srca.
Bio nam je pokazan od njega (Muhammeda),
jedinstven je on vođa.*

*Danas je on kralj vjera,
on je Kruna svih poslanika.
Najčišći, najpouzdaniji,
ovo je njegova hvala.*

*Njegovo oko je durbin,
njegovo srce ostaje
neprestano blizu
Gospodaru Bogu!*

*U svojim rukama on nosi
svjetiljku vjere,
i on jedini daje svjetlo očima.*

*Bilo kakve teške tajne religije
on je sve objasnio,
i on jedini je kralj,
u položaju da razdijeli
ovo - najrjeđe
od svih vrsta blaga!*

*Doista, ja sam žrtvovan,
potpuno, za ovo svjetlo:
cio i potpuno,
ja sam predan njemu:
ko sam ja,
samo ovo je moja odluka.”*

(Roohani Khazain, tom 20.: Qadian ke Ariya aur ham, str. 456)